


文檄

卷四



總制浙閩文檄目錄

第四卷

禁緝保窩營債奸徒

再禁虧累行戶

禁粘黃刷揭

禁強買茶絲

訪拿訟師訟棍

訪拿豪惡光棍

禁夜行船隻

禁樵牧兵厮騷擾地方

禁溺女錮婢

禁加貼產價

再禁巧取火耗

慰畱閩省提督

誠飭委署官員

溽暑清理刑獄

禁西湖拿船

禁營頭勢要勒詐船戶

禁鹽捕擾害

禁衿蠹抗糧

勸諭修築官塘

巡緝不法奸徒

捐置監田事宜

飭拿害民奸徒

訪拿司道積蠹

訪拿各衙門積蠹

禁借命冒屍搶詐

再禁透越奸弊

禁逐抽豐遊客

再禁溺女

禁旗營兵廝害人

禁漁稅陋規

禁獲盜起贓詐害積弊

再禁宰牛

禁濫徵災免錢糧并科派使費

禁仁和縣強勒糴米完漕積弊

再禁濫差滋擾

議修建公館鼓樓

議定婚喪夫役工銀

議減漕箝

通知災傷蠲免錢糧

禁緝保窩營債奸徒

為禁緝保窩營債奸徒除害安民事照得營債害人百姓備罹慘苦無辜多被株連致奉

嚴旨禁飭已久又經本部院于上年下車之初詳悉指示首先禁約在案頃據士民條陳謂

將軍副都統法令嚴明旗營兵丁率多遵守惟恨土棍奸民身居本地而局陷本地之人前此重利盤算等弊今復巧為變換有券上雖寫三分起息而銀已先除加二加三者有纍利一

兩月卽勒轉寫新券將利銀算入本錢者有不
寫借銀寫作放米放綿等項暗纍重利者有放
每月印子錢利過於本者此等機局設爲陷穽
爲害更烈本部院因思惟有嚴究中保一法蓋
借債之人必有中保爲之牽頭放債之人必藉
中保爲之線索因而土棍假借營頭名目自作
中人者有之奸徒搭放本銀瓜分重利者有之
甚有貪夫牟利於保借時則扣除加一二於還
利時則抽取一二分只圖做中肥已不顧剝害

他人如此設心險惡死有餘辜必須嚴法懲處
以遏奸貪至於守分殷實之輩或狃於情面或
迫於事勢強爲中保殃及身家此則可憐又可
恨矣惟坐於不知被人暗埋姓名事發無可辯
訴者情有可原耳總之券無中保則借者無從
借放者不肯放一切紮局奸徒皆可杜絕此其
一也又有嚴究窩頓一法聞省城內外幽僻處
所及深堂大宅冷靜寺廟多有租與假冒旗營
之人在內兌銀收放及拿欠債與作中之人在

內弔打逼勒轉票官府不及知里甲不敢問殊
不思
將軍 副都統禁令森嚴既不許旗丁在營放
債安有真正官丁敢於在外居住公然放債之
理無非土棍奸民借名投充影射作惡耳今當
亟清窩頓之所則此輩無處藏奸此又其一也
除本部院見在設法訪拿外合行曉諭爲此示
仰官吏兵民諸色人等知悉務遵本部院先今
禁約事理一概不許借放營債如有奸棍串通

假冒營頭倚勢出本放債分肥利息者定行按
名嚴拿中保之人重責四十板枷號兩箇月示
儆并同借債之人一併發問治罪决不食言若
借放之人勉強勒爲中保或暗埋各姓株累者
許被害人赴地方官呈鳴以憑拿究其地方民
居房屋寺廟等處如有窩頓前項棍徒在內兌
銀寫券拿人弔打等事隣佑里甲人等立時擒
拿連人贓一併解赴本部院軍前或按察司衙
門審實枷責照光棍例究罪容隱不舉者一體

文楊
卷四
三
連坐本部院法在必行斷不輕宥總期盡除積
害永安百姓俱毋故違自扞法網

再禁虧累行戶

爲再禁虧累行戶以甦商民困苦事照得杭城
生齒繁多百貨輳集凡貿易商賈輩藉逐末之
生涯博刀錐之微利其間身衣口食仰事俯蓄
惟此經營是賴爲地方官者目擊民窮財盡情
形方當加意節用愛人以期無負牧民責任乃
聞往有白取行戶之事是以本部院先經嚴示
禁約在案今訪聞各官積習不改凡日用布帛
食物木植柴炭家伙器皿等項陽遵不敢白取

之名陰行短價強買之實每每硃封色銀止發
半價限定貨物數目責令運送應用究竟找價
竝無分文縱找亦不敷值更有差役急取撮借
竟歸烏有者亦有衙蠹指稱銷算需索頭除者
甚有奸棍憑恃衙門及自稱行頭科派各舖行
季規使費公然釀金入已者嗟此賈民安能以
有限之本貲供無窮之虧累耶除本部院見在
訪拿叅究外合再嚴禁爲此示仰官役舖行人
等知悉嗣後各衙門需用物件務須現發紋銀

照依市價公平買用敢有不肖官員聽憑衙役
半價強取借辦不還等弊及奸蠹假借營弁衙
門行頭科索陋規者或經本部院察訪得實或
被受害人告發定行嚴拿叅究按贓追擬斷不
輕恕

禁粘黃刷揭

為嚴禁粘黃刷揭以遵

功令以懲刁誣事照得民間冤抑事情據實直書告
理自有官府聽斷其粘黃刷揭久奉

嚴禁在案無如浙省士民刁健成習遇有事故不俟
審斷動輒寫黃刻揭糊貼滿街但揭前開寫遵
例不敢具揭字樣而長篇纍牘列款列賊刊刻
刷印非揭而何甚有風影株連含沙污蔑者更
有請神於街書黃於背者以為不若是不足以

駭聽聞不足以動官府殊不知曲直自有一定
是非豈可混淆刁詐之風殊爲可恨合行嚴禁
爲此示仰官吏士民人等知悉嗣後凡有冤抑
告理事情靜聽問理衙門審斷敢有再行粘黃
刷揭者無論事之大小曲直先行嚴拿出名正
犯重責三十板於通衢柳號一箇月示衆如係
婦女老憊出名卽拿夫男及唆聳奸棍一體枷
責仍着落各坊總甲如遇手持黃揭糊粘之人
卽刻扭拿赴地方官處驗實解究如本坊容隱
聽其糊貼經本部院差官巡查得實并將總甲
一體重治不貸其現在粘貼者通限三日內盡
數洗去姑免追究

禁強買茶絲

爲嚴禁強買茶絲以除鄉民積害事照得杭郡各邑鄉村以及嘉湖等處一年所望首在蠶桑其產茶地方亦惟芽茶是賴上以完辦

國賦下以養贍身家一年之計命脉攸關向聞不肖官員每借官買名色前赴出產地方半價色銀恃強勒買甚有分文無價着落行頭白取應用兼之奉差之人恣意需索少不遂欲非橫行毆打卽借題陷害庸懦鄉民只得吞聲飲泣不

敢不應更有地棍勢豪指借營頭假冒官差公然強買勒索無休無知小民安辨真偽合行嚴禁爲此示仰官吏兵民人等知悉凡需用絲綿芽茶等項俱於聚集貿易之處平價公買不許借稱官買名色擅向出產地方強買勒取在爾鄉民一概不必承應敢有以白牌小票着落行頭及地棍兵丁借倚營勢半價勒索白取無價者或經訪聞或被告發定將差去人役嚴拿重處問罪追贓該管官故縱者立登白簡斷不輕貸

訪拿訟師棍

爲嚴拿訟師訟棍以除民害事照得浙省民情刁險成習事無大小情無重輕極喜捏詞構訟有微疵小忿輒興絕大冤詞雀角鼠牙竟造迷天大謊惟圖誑准不顧坐誣蓋緣積棍訟師心存奸惡專一打算某某殷實可擾某某愚懦可欺一遇事故不論是非搖唇鼓舌百般唆哄更有捕無風之影起不風之波包告包准包審包完且串通衙蠹詐索分肥指稱關說招搖撞歲

以致原被二家俱受其害有蕩產傾家賣男鬻女以完訟事者有先幫原告後幫被告從中反噬者及至原告理窮詞遁招問虛誣而訟師囊橐已滿安然事外方且自矜得計種種不法殊可痛恨除見在訪拿重究外合行嚴飭爲此示仰官吏士民人等知悉嗣後如有訟師訟棍愍不畏死之徒仍前造詞幫訟包告包營如前所指諸弊許諸色人等直書受害事情被詐騙據指名呈告以憑嚴拿審實立刻處死決不輕貸

訪拿豪惡光棍

爲嚴拿豪惡光棍以安良善事照得禁令森嚴光棍犯事罪在不

赦之條但其詐害不同爲害非一有結連衙蠹打合害民之棍有霸佔行頭欺壓小民之棍有私開女當貪淫無耻之棍有拈頭放賭遊手好閑之棍最可恨者倚營放債連營詐害之棍毒害地方其禍甚烈亦有勢惡土豪武斷鄉曲窩訪造訪株陷無辜說騙招搖機關熟習以致道路側

目而不敢言官府徇庇而不過問貫惡既盈誅
鋤宜亟除本部院見在設法密訪拿問外合行
專飭採訪爲此牌仰臬司照牌事理即便嚴查
所屬地方如有前項稔惡作奸詐害良善棍徒
不拘勢豪衙役務須廉得真正惡蹟贓款據實
指名開報以憑嚴拿懲治發審追擬施行但不
得採訪失實以致巨憝漏網菜傭塞責不能除
害而反滋弊待本部院別有訪聞該司大有未
便慎之速速

禁夜行船隻

爲嚴禁夜行船隻以弭盜劫事照得作客經商
途遭盜劫雖地方官弁之疎防亦由於失主之
自取蓋盜賊雖橫必不敢於白晝公行每見之
於更深夜靜使失主倉皇救援不及之故也若
船隻禁止夜行非惟住泊之處同幫可以羣起
汛兵可以救援卽盜船亦何能夜行而至無如
客商貪僭程途不顧利害雞未唱而輒揚帆夜
已深而猶鼓棹以致盜船追隨中途劫失救援

難至謂非事主慢藏誨盜之咎歟合行示禁爲
此示仰汛防官兵商民船戶人等知悉示後除
緊急差使驗明印票放行外其餘商民一應船
隻俱於天明方許開行遇晚即便住泊敢有仍
前夜行卽時畱住不許前往如故意阻撓即便
拘拿次日交地方官究治但不許汛防官兵借
此滋擾查出一併重處不貸

禁樵牧兵廝騷擾地方

爲嚴禁樵牧兵廝騷擾地方以安民生事照得
採樵牧馬勢所必需但樵則不過薪草牧則必
於平原若民間所腴腴而種之荳麥粟米及辛
勤而樹之茶笋桑蔬是藉以完納

國課仰事俯蓄者也今訪聞投誠兵丁旗營小廝
或故放馬匹牛羊蹂躪於腴田熟地之上恣其
踐食或割刈荳麥茶蔬隱藏於茅草柴薪之內
任意竊取又或將鄉民之樣竹劈篾束草家養

之池魚網釣無遺及至所割之草或捉鄉愚挑
送或拿農船裝載悞農病民莫此爲甚更有以
掘砍樹根爲名毀壞人家墳塚者種種擾害民
何以堪合行嚴禁爲此示仰兵丁士民人等知
悉嗣後兵丁採取薪草俱於郊外鄉村牧放馬
匹俱於平原曠野不得作踐民間田內地地上樹
藝五穀及毀壞墳塚竊取池魚伐取茶菓竹笋
等項敢有故違許被害百姓據實呈告以憑拿
審如係綠旗及投誠兵廝立以軍法從事如係

旗下帶赴公衙門會審究處發落決不輕貸

禁溺女錮婢

爲嚴禁溺女錮婢以厚人心以敦風化事照得
男女始生周禮載懸悅懸弧之典夫妻匹配毛
詩著宜家宜室之篇故人生弄瓦弄璋原不容
因愛憎而岐視况標梅有三有七實有傷於婚
嫁之愆期訪聞浙中向有溺女錮婢惡俗而上
路入府爲尤甚如生男則畱而育之生女則溺
而斃之不但寒室爲然卽富家亦有此事傷天
地好生之德將豺虎不食其餘假使人皆效尤

不幾人倫滅絕乎又有一種陋習人家婢女禁錮終身有至三十四十歲而不得適人有髮白齒落而未經人事者試問呼奴使婢之家孰不有夫有婦有兒有女而乃忍心害理一至於此特未設身處地耳傷風敗俗人道淪亡莫此二者爲甚除檄行浙東八府嚴禁外合行給示爲此示仰官吏士民諸色人等知悉嗣後民間生育女子務須體認天理良心保全至親骨肉俱各鞠育長成不得仍前溺棄至民間婢女丫鬟

年過二十歲以上者不論大家小戶以示到一月爲期或外嫁良民或內配僮僕俱要婚嫁完畢嗣後蓄養使女總不許年過二十尚未配人敢有仍前溺殺女子錮婢終身者該地方鄉保隣佑人等卽赴地方官指名首告立拿喪心之父母忍心之家主重責枷號按律治罪不得輕饒如鄉保隣佑人等容隱不報事發一體連坐不貸

禁加貼產價

爲嚴禁加貼產價積弊以杜刁詐以安良善事
照得民間鬻賣產業得價方售中契兩明義無
復有生端之理况求售之田地荒蕪者大約俱
多出賣之房屋破損者勢所必至迨至新主管
業田地開墾成熟房屋修葺完固又或先買空
地續蓋舍宇前後既不同價值自然迥異無
如浙省士民刁詐成習凡授受產業正價之外
必有找價找價之後必索加貼加貼之後必勒

割絕割絕之後又復加價節節生枝無了無休甚有祖父賣產年遠而子孫復告找貼者以及兄弟伯叔甥婿無不覬覦業主有一契而葛藤數十年有一產而訟經十餘次更有倚恃勢要把持投靠營頭包管挾以不敢不加之勢又或扛擡老憊殘疾上門假尋短見恣橫恐嚇逼以不得不加之情至於問官動稱得產不輸委曲業主且以素封可擾勒索夤緣是豈理法之平乎合行嚴禁爲此示仰官吏士民人等知悉嗣

後凡民間買賣田地房屋俱當慎之於始惟以正價爲主此外竝不許加貼分文地方官亦不許准理加貼產價呈狀率意斷找敢有仍前於正價之外告貼產價生端詐害有司濫行准理者或被告發或經訪聞定將受理之官以不職叅處并嚴拿刁詐奸徒從重究治不貸

再禁巧取火耗

爲再禁巧取火耗之弊以甦民困事照得私加
火耗欽奉

上諭飭戒甚嚴凡屬臣工敢不凜畏是以本部院蒞
任之初首爲拈出特示申嚴在案今訪聞各屬
雖不敢明收火耗但小民百姓有不敢不自行
投納火耗之勢如銀色實係紋銀輕重實遵
部法因無火耗同投或借名青潤或指爲平輕
殊籤火票拘拿納戶需索使費數倍正額間有

不拿者仍用重等秤收竟將銀封改減發票數
反多於例耗是以小民只得仍投火耗以免額
外苛求至於禁革官匠傾銷不許印烙記認以
杜勒耗之弊亦經本部院嚴示禁飭今聞各屬
雖陽革官匠之名私下仍責官匠估計傾銷暗
爲記認方准拆封併櫃如無記認非曰平輕則
曰色潤更有將小爐銀匠不論城內城外鄉村
市鎮流寓異鄉凡係銀舖逐一編定或派定日
期或承值里分將百姓所納條銀先扣火耗足

數餘銀交令傾鎔着落起解如有低潮虧折責
令賠補以致銀匠或於值日日期勒收納戶火
耗或于承值里分勒派各戶貼費縣官仍收火
耗之利百姓仍受火耗之害而更增小爐銀匠
侵欺勒索之弊總因利令智昏惟工巧取火耗
不顧小民怨讟不顧錢糧疎虞殊爲可恨除見
在訪查叅究外合行嚴禁爲此示仰各屬官役
里見銀匠人等知悉嗣後州縣徵收錢糧先將
部頒法馬較定比民間通用河平實重若干確

查數目明示曉諭里民使知遵守在爾士民務
須照依縣官較定部法足色紋銀毋得以青潤
低潮銀色及故意短少等頭自取提擾如完銀
實係部法足紋貪惡縣官敢於假借名色拘拿
花戶需索刑責及收櫃吏書擅行減改者許被
害小民執發換銀兩原收串票不時呈告定提
惡蠹奸胥立時處死本官先拿後叅遵照
新例定罪至於傾銷起解總不許着落小爐銀匠傾
解以杜弊端敢有故違一體拿究不貸

慰留閩省 提督

爲海疆軍務最重衰疾不堪臥理再籲賜題

請代以無悞邊疆事准

貴提督咨前事等因到部院准此爲照

貴提督勞深績懋勳在封疆當茲海邦需理之
時正藉帷籌石畫以孚

宸眷用慰輿情自難遽以引年抱恙爲請也本部院
未便具

題或仍咨呈

靖南王裁奪今准前因相應移覆爲此合咨
貴提督煩爲查照施行

誠飭委署官員

爲誠飭委署官員以肅政體以遵

功令事照得府廳州縣缺員勢必遴官署理近奉保
舉

新例凡署員不職者連坐保舉之官誠重之也本部
院每遇屬官陞遷事故司府議詳遴委之時俱
以保舉印結爲據率多批允其間砥礪自愛者
固不乏人而夤謀委用以冀酬溫飽素志者恐
比比皆是也大抵員缺一出地方凋殘之處事

務棘手之官則觀望諉卸不前若遇美缺而奔
競之風起矣閑曹冷幕假借境以逐羶隔屬代
庖越尸祝而問俎或向上司乞求審事藉承讞
以爲壟斷之謀或于屬員遇事索瘢每設局而
施攫取之術利扣尅也則濫放存留不急之錢
糧美耗餘也則預徵未及限期之稅課以至廣
收詞訟苛取罰穀贖緩甚之延攬抽豐因而納
交還債諺云權官如打劫洵不誣也推原營求
委用之初有揭借營宦債負以夤緣者有通同

詳委衙門經承以聽許者及至委署到手安得
不恣其漁獵以償謀委之本錢兼應盈門之坐
索乎在保舉之司府或因循往例或牽制面情
悉從前印結一紙後來貽害無窮矣此等陋習
暨見在不肖署官本部院業已廉得其概除俟
確訪實蹟叅拿外合行飭令檢舉爲此牌行兩
省藩司各道府州照牌事理即將見在各署員
中密加察訪內有溺職敗檢之尤者作速開具
真實劣款揭報叅處以補從前保舉之悞嗣後

凡遇府廳州縣員缺必須遴選就近才幹官員
保結詳委俱不得徇情專濫致滋後議倘有署
官債事者定將保舉司府一體叅處仍嚴誠見
在署攝各員知悉務須潔已奉公黽勉自愛其
有素抱才華借掌印以展其經濟者上也有謹
循職掌不干他事者次也本部院廉訪得真自
當分別薦獎如有曠職妄行貪縱不法若前所
指諸弊或被人告發或別有訪聞立付彈章斷
無寬假至於衙役劣棍人等如有指稱鑽營委

署關說招搖公行賄賂者事發之日定按光棍
新例治罪追贓決不輕貸取具遵依報查毋違

溽暑清理刑獄

為清理刑獄事照得刑獄為民命攸關法之所
在固難寬假然而淹滯濫禁又當留心清理值
此炎歊塵黷之時牢獄易生災病倘致無辜瘐
斃豈不上干

天和本部院屢檄申飭不啻至再各衙門職司刑名

體恤獄犯諒有同心况當

呈恩肆赦之後熟審

恩例直省通行京城旱災奉

文獻
卷四
三
敕修省可不加之意歟合行查飭爲此牌行兩省各
司道府州照牌事理除

欽案重犯及真正人命強盜叛逆重情并事涉逃人
貪蠹常赦不原等犯仍行監禁務令獄卒打掃
汗穢洗刷刑具飲食給發以時遇病撥醫調治
嚴加防範并速審具詳外其餘各衙門一切收
送監倉候結輕犯查其情罪應保釋者卽行保
釋至于各該衙門不便輕釋人犯務於冊內登
答情罪畧節一面呈賚本部院察核一面詳明

奉批衙門查釋必須親往監倉逐名查詢照例
造冊限三日內呈送以憑稽考毋得視爲故套
倘有開造情罪不明并隱漏事犯等弊本部院
另行查出定卽鎖拿經承重究不貸其熟審減
等務須照例遵行刑杖犯人俱要折減板數又
竹板輕重觔兩本部院先已通行申飭俱勿故
違自蹈酷虐叅處取具依准繳查

禁西湖拿船

為禁約事照得節屆端陽龍舟競渡乃吳楚吊古之遺風亦地方遊觀之勝事惟聞西湖各埠船隻向被各衙門營伍封捉當官不能賺錢反多擾累在節序豔陽時候往往有之而每年端午為尤甚有出籤點票預先封拿者有夜役軍牢臨時白捉者因而兵棍惡差恃強爭奪鎖吊船戶者有之甚之紳衿士女設席在船公然驅逐者有之稍拂其意鞭撻橫施遂致上年竟有

兵丁鬪毆殺人之事釀禍害民莫此爲甚本部
院思欲概行禁止又慮有辜佳節不近人情合
行禁約曉諭爲此示仰官民船戶諸色人等知
悉今屬節間遊賞觀看龍舟不論旗營文武各
衙門鄉紳士庶凡雇坐船隻者俱要現銀平價
給與工錢總不許衙役兵丁勢豪土棍擅自白
捉民船借端爭奪在各船戶亦須平心安分不
得故意昂價刁勒致啓釁端敢有無知兵棍惡
役仍前提拿強奪打等弊許船戶協同地方

據實指名赴有司官處具詞呈告卽行嚴拿究
處毋得輕縱倘情事重大仍行解審枷責治罪
不恕時際昇平各宜守分萬勿生非自貽伊感



禁營頭勢要勒詐船戶

爲嚴禁勒詐船戶以甦苦累事照得錢塘江以上金衢嚴寧紹等處舟子船戶俱屬食力鄉民或自有船隻或租賃撐駕其間風潮不虞溪灘險阻獲利甚微生業甚苦先經本部院嚴飭往來差使俱動驛站銀兩見給船價又嚴禁各衙門不許白牌小票濫取裝送并船牙埠頭不許扣尅苦累無非哀此熒熒船戶俾得自爲養身贍家計耳今訪有假借免差照管名色或指稱

營頭或自恃勢要硃標執照封條強掙燈籠牌
面或於月終或於季滿勒索銀二三兩四五兩
不等名爲照管封捉實係強勒陋規稍有遲延
缺少者弔打相加勒寫借票以致典鬻賠償賣
船歇業苦累難堪怨聲沸耳除行按察司嚴禁
并移

將軍會飭外合行給示禁約爲此示仰船戶人
等知悉凡見在強掙收存牌照燈籠等物俱限
一月內赴按察司繳銷嗣後敢有指恃營頭勢

要勒索月例季規者許被害赴本部院軍前或
按察司衙門指名呈告以憑嚴拿究治不貸其
禁止白牌小票不許濫差滋擾仍遵前行禁約
一體遵守施行毋得故違取究

禁鹽捕擾害

為嚴禁鹽捕不法滋擾以除商民積害事照得
鹽捕一役原為巡緝私鹽而設今訪聞奸惡鹽
捕不行奉公巡緝鹽梟每每招集白役私置械
船歷城鎮則稱巡鹽遇孤村肆行搬搶有遇大
駭畏縮不前卽拿獲得銀賣放者有假恃巡鹽
公行與販者有牽鎖男人姦淫婦女者更有身
帶私鹽搬放客商船內鎖甲毆打詐害勒索者
甚至借名搜驗因而強掠客商刦取財物者種

種不法難以枚舉查鹽捕卽是衙役蠹役不法滋擾本官失於覺察例有處分不知該管官何故竟置罔聞除見在查訪確實叅拿外合行嚴禁爲此示仰官吏商民船戶鹽捕人等知悉嗣後巡鹽捕役務須奉公守法止拿大船與販真正私鹽不許借端擾害商民船戶如敢仍前賣放大夥自販私鹽帶鹽勒索借名槍劫等弊或被害告發或查訪得實立拿捕役按光棍例處死該管巡廳縣官以縱蠹殃民糾叅決不輕貸

禁衿蠹抗糧

爲嚴禁衿蠹抗糧以除積弊事照得紳衿士民應納錢糧凡屬惟正之供自當照額早輸無悞國課今訪聞寧台溫各郡縣有等積猾劣衿旣抗自己稅糧又庇他人戶產復又一種衙蠹光棍家無一畝之田日應比糧之役以致歷年錢糧掛欠不完包攬拖逋竟成錮弊案准

部咨爲端教化之源救抗糧之弊等事內開貢監廩增附生員有抗本身錢糧及非本身錢糧

包攬別戶拖欠者俱黜革爲民責四十板枷號
三箇月衙役抗糧免差其宗族親戚包攬串通
不完錢糧者一面題叅一面嚴拿解京送

刑部照悖

旨之例從重治罪奉有依議之

旨欽遵通行在案煌煌

功令何等森嚴尚有蠹棍劣衿扞法妄行愍不畏死
深可痛恨合行嚴禁爲此示仰寧台溫各府紳
衿士民人等知悉嗣後凡係本戶應充里役務

須親身承值應納錢糧遵照額徵數目依限早
完不許雇倩衿蠹包攬代當如有故違事發之
日與受一併治罪各該印官務要不時稽查禁
飭倘有劣衿蠹棍怙終不悛仍蹈前轍者許卽
據實揭報以憑叅拿從重究處決不姑貸各宜
慎之毋貽後悔

勸諭修築官塘

為酌議修築官塘以護田土以利行人事照得
北新關外以至石門縣一帶官塘內有田地外
係運河誠南北之孔道往來之通衢也昨歲本
部院入境舟行目擊塘路坍塌田地水淹來往
行人望洋興嘆隨檄行布政司酌議興修在案
頃又據仁錢二縣紳衿士民連名公呈咸稱北
新關外至塘棲鎮一帶官塘亟宜修築利濟往
來計塘五十里約費四萬金其鳩工辦料有越

中僧人往年曾築山陰古道業有成效若責之
董理工程雖鉅可告厥成復經批行藩司再議
妥確通詳茲據該司酌估工料價值似與前數
相符造冊詳覆前來但修築固不可緩而計費
又當熟籌既無正項錢糧可動惟有力行捐助
庶克有濟今本部院倡先捐俸五百兩檄發藩
司收貯此後再當陸續措發以資接濟其餘文
武各官已據藩司詳議置簿分發共相勸助外
惟是爲費不貲官員捐輸恐不敷用誠如首事

條議所云紳衿士庶均有樂輸之意此衆擎易
舉之大端也且本部院素聞兩浙士民凡於利
濟義舉無不樂善好施則此修塘大工諒亦具
有同志合行曉諭爲此通知紳士商民人等知
悉所有修築北新關外以至塘棲一帶官塘應
需工料價值等項爲數浩繁除本部院暨文武
各官捐輸之外有能倡義樂施無論數之多少
備開籍貫職業姓名輸助若干俱註於募僧簿
內本僧公同首事每半月彙交藩司會計出納

至於辦料監工俱令首事僧人董理竝不擾動
民間一役一夫一草一木工完之日將各輸助
姓名與所捐銀物錢米數目盡數勒石紀績用
垂不朽本部院且拭目以觀落成矣願各體諒
期竣厥工

巡緝不法奸徒

爲巡緝不法奸徒以安民生事照得杭城乃省
會之區路當衝要人居稠密兼之五方雜處兵
民莫辨真僞難稽近訪有等棍徒小廝結黨成
羣散處于人烟輳集之處窺伺於郊關野僻之
間矚有單身鄉愚或進城完納錢糧或負貨往
來貿易或肩背包裹或身帶銀錢公然搶奪彼
傳此遞轉眼無踪更有各處船埠馬頭此輩假
扮舟子拉扯客商名爲裝載半路停舟搜奪銀

物到手立時驅逐登岸孤身客旅受害無伸似
此路人遭殃不一而足地方隣里明知而不敢
攔救見者側目聞者寒心會城市肆官埠馬頭
輒敢橫行無忌以至郊原曠野村居僻壤流毒
閭閻又不知凡幾許矣當此光天化日之下豈
容愍不畏死之徒貽害地方除經本部院差官
弁行地方文武各衙門協同拿究外合再出示
曉諭爲此示仰巡捕員役地方里甲隣佑人等
知悉嗣後如有棍徒營廝三五成羣在于街巷

市肆船埠郊關等處恣意橫行搶奪過往百姓
商賈人等財物行李者即便會同協拿解送按
察司嚴究明白如係旗廝解赴

公衙門以憑會審發落如係投誠丁役及綠旗
營兵徑解本部院軍前審實即將犯法之兵役
立時軍法梟示本管官指名飛叅重處決不姑
貸

捐置監田事宜

為酌議捐置監田以恤罪犯事據該司呈詳捐
買監田賑濟獄犯等緣由到本部院據此為照
買田賑獄事須經久可行今以本部院前檄參
之諛司議詳合之士民條議大約首以捐貲勸
輸為主然後次第舉行合再列款覆酌為此牌
行浙省臬司照依後開條列事宜逐一覆加勘
酌一面置簿捐輸一面妥確詳報以憑會議定
奪施行

計開

一省城各監獄據稱人犯多寡難定每日約
粥十餘擔每犯給粥一瓢計三碗每日約
米五六七斗不等後以一瓢不足充饑議
給二瓢可供兩餐等語今本部院定議每
年四五六七月每人每日給粥二瓢約計
每日用米一石為率其餘月分每人每日
給粥一瓢約計每日用米六斗為率總計
每年需米二百六十餘石加以僧人食米

共需米三百石可以取給有餘矣今擬置
田五百畝除紳士原有捐田約算百畝外
應續置田四百畝共成五百畝之數所收
租米應扣除完辦條銀糧米餘俱貯倉候
用卽有豐歉不同可無不敷之慮

一買田四百畝約需價銀二千兩今本部院
先倡捐三百兩見發臬司收庫諛司卽會
同藩司置簿勸輸凡官紳士民有願捐者
一面登簿一面交銀付杭州府收庫候用

倘有不足再詳本部院酌補敷數

一擇買田畝須責成仁錢二縣招業主情願出賣者赴縣投明果係腴產及三五十畝成片段者卽行踏勘明白官給價銀立契交易不許勉強亦不得以硃瘠零星充數其田段尤須一鄉之中都置相近庶便收租稽挾并飭二縣遵照

一田畝應納條銀糧米已定於租米內取用其餘雜差里役檄行二縣查照永免不許

衙役生端滋擾

一應用燒柴每月以五十擔爲率每年需用柴六百擔每擔定價一錢約需銀六十兩又募僧六人每人年給鹽菜衣鞋銀七兩二錢共需銀四十三兩二錢以上二項大約每年需銀一百二十兩可以充用有餘矣據議復買市屋取租事屬未妥查有虎林書院房地租銀向係督撫衙門稽查公用歷年取租甚薄且多逋欠中飽此項儘

文楊
可清查徵足以供前項燒柴給僧之用該
司一面檄行該府縣造冊詳報不許虧缺
取究仍候本部院咨會
撫院行查定奪

一收米倉廩所貯不過五百石之數房地無
多又須與粥廠及府縣衙門相近查舊有
黃冊庫基址可以蓋造該司卽行縣清查
詳報聞此地貼近府獄牆垣高厚又且臨
水最爲相宜倘有民人曾經請佃今應責
令量賣出還閑房數間或空地一塊以便
修葺仍飭令不必借此騷擾

一董理厥務擬稱選用正副各十二人恐人
多冗雜責成不專今擬遴舉正副各二人
每年止用二人公同主僧料理遞年迭輪
凡收租完糧上廩稽核等事悉以責之必
須慎選好義公直士民方克勝任能料理
三年公明妥當者該司詳報督撫給扁獎
勵仍聽其轉舉更換接管若有在事侵漁

及刁頑佃戶逋租者俱聽其鳴官追究
一召募僧人今應仍着淡齋總管其事一面
出示招徠苦行之僧承應此須亟爲訪求
不可遲誤

一冬夏需用草荐薑湯絮衣茶水藥餌等費
將額設囚糧除支給成招重犯之外餘存
儘數通融支用卽前項租米柴租若有盈
餘亦可充數併責成董事正副及主僧握
算料理其有好義士民隨便捐捨者又當

聽從其便

一捐助人銀數目買田契券始事緣由該司
粘成文卷用印收貯以備稽查每年出納
數目年終備造細冊該府縣詳報該司通
詳查考

一事成之日備將官紳士民捐輸姓名銀兩
數目及酌定規則田房地段詳悉鑿勒石
碑以紀義舉用垂永久

飭拿害民奸徒

為督飭事照得本部院職任總制重在剪惡除
奸以安良善興利祛害以正民風前此頒布禁
約各檄示務在着實力行非徒粉飾耳目也無
如浙屬積玩成習官役多冥頑不靈士民則狙
詐莫挽數月以往毫無改觀是必明刑敕法宜
取則乎治蜀之孔明猛以濟寬勿貽譏於鑄書
之子產可也除叅拿貪官衙蠹端檄另行外若
土棍若訟師若營債牽頭若賭博窩戶若指官

文榜
卷四
撞歲之奸黨若造使假銀之舖家在在不乏其人本部院叱馭所過頗多見聞見在隨處拿究矣諛司爲外臺總憲豈寂然無所採訪乎合行專飭開報爲此牌行浙江臬司查照先今履行事理卽便密查省城及所屬真正土棍訟師營債牽頭放賭窩家與夫指官誑騙奸徒造使假銀舖戶不遵本部院禁約者每項確訪數名一面開報惡蹟事款揭帖呈送一面嚴拿收管候本部院提解懲處但不得輕聽生奸以致大惑賣放混將無辜么磨塞責本部院別有訪聞於諛司大有未便此係本部院振刷頽風至意諛司萬勿推諉延捱自干縱惡養奸之咎又本部院非不知

詔赦新頒時方水潦似宜稍示休息但除害安良以慰輿望勢難緩待該司其着實畱意於本部院旋省之日面覆施行至切至切

訪拿司道積蠹

爲訪察衙蠹事照得訪拿之設原從釐剔奸弊起見初非舍近而求遠嚴小而寬大也除各屬訪蠹見在另檄查拿外惟是在省各司道衙門雖居紀綱法度重地實有刑名錢穀之繁內外人役保無有積奸巨猾欺官嚙民之輩潛藏其中流毒地方者乎府廳卽知其弊未免設鼠忌器之嫌若非當官自行覺察是監司衙門反爲藏奸納垢之藪矣卽如劉糧道案內蠹役纍纍

一
楊
卷四
四
贓惡貫盈向非本官敗事不幾漏網椰榆此實
已事之明徵也擬合嚴飭查訪爲此牌行浙省
各司道照牌事理卽將該衙門內外人役盡心
察訪如有真正積年蠹惡欺上剝民或緣事問
革更名易姓鑽營躲兩作奸犯科指官詐索箕
斂贓私等弊一一訪實姓名款蹟自行密揭以
憑拿究本部院採訪所及常聞其畧惟俟該管
本官開具款揭作一印證耳倘或陰行庇護不
肯據實揭報或被害告發或別廉事款除本役

立刻嚴拿照例治罪外各司道自難辭縱役養
奸之咎勿因愛惜體面而自貽伊感也慎之速
速

訪拿各衙門積蠹

為訪察衙蠹事照得拿訪之法原以除蠹惡扶
善良也本部院總制全省以戢暴安民為首務
誠恐有司各官昏庸不肖寄耳目於爪牙假威
權於狐鼠流毒滋蔓匪止一端前經通檄各該
衙門自行釐剔開報去後數月以來杳乎無聞
乃知直道難行于今日而各官庇惡養奸之積
習真正牢不可破矣合再專責察訪為此牌行
藩臬二司照牌事理即將所屬府廳州縣各衙

門訪有真正積年蠹惡欺官嚼民橫霸一方占
人田產謀人妻女致人歿命者俱要一一查訪
的確開列切實事蹟贓款密揭具報本部院以
憑察訪拿究至於武職衙門蠹役及稔惡應捕
鹽捕等項誣盜指窩酷詐殷實尤爲可恨又有
一種積奸名雖退役實則戀棧借衙門以爲護
身之符通谿徑而行詐騙之術包攬公事撞歲
招搖種種弊竇不可枚舉與夫里蠹蠶食細民
學蠹剥害士子者俱要嚴密體察一例訪拿處

實開報盡法究治但不得輕聽叢奸致使狡猾
之輩窩訪賣訪枉害無辜巨憝兔脫以及假借
訪費陋規名色夤緣科派反滋弊端如有此等
情弊或開報不實者本部院廉訪得情定將庇
蠹誑報之官叅拿重處斷不輕宥俱限文到五
日內呈覆施行慎勿徇延至嚴至切

禁借命冒屍搶詐

爲嚴禁借命抄搶冒屍圖賴以杜訛詐積弊事
照得殺人者抵律有明條凡屬謀殺故殺鬪毆
致死以及威逼過失等項輕重攸分審斷宜別
然必經官告理傷証分明然後定罪未有藉命
居奇橫行抄搶者也訪聞浙中陋俗每遇人命
事情未曾告官先率家屬兇徒竟赴仇對人家
罄掠貲財毀屋壞器狠同盜劫勢如亂民甚有
凌辱婦女鎖弔人口沿害隣居者及至到官有

司但以苦主可憐都置抄搶于不問是豈法之
平平又或街道廟宇等處適遇無主冷屍橫處
乞丐隨有一種奸惡棍徒投報勢豪及投誠營
伍之輩冒認屍親舁移富室指稱謀命恣行詐
索順則飽慾私休忤則當官誣告即使辯白昭
雪而訛棍之紮局官役之營求必至家業蕩然
矣似此奸惡橫行殷懦重足合行嚴禁以戢刁
風爲此牌行浙江臬司各府照牌事理嗣後凡
有告發人命抄搶事情若係真正人命即將兇

身按律抵償勘定招案仍將屍親借命抄搶之
人分別首從明正搶奪贓罪另案問結不許併
招朦混尤不許寬縱不究若係威逼自盡過失
殺傷及將病歿假命借端抄搶者除按律治罪
外仍詳解督撫衙門以憑重責枷示用警刁徒
至於拾取冷屍冒認苦主詐害殷實人家者審
究得實務將圖賴奸徒照依光棍

新例分別立絞遠戍通詳具

題正法不得輕縱仍大書告示曉諭并通飭所屬

各衙門一體遵照施行如有故違定將諛官以不職叅處并拿經承重治不宥取具依准繳

查得實錄錄圖錄我武照外武錄

至效命可今氣冒瀕苦主有言實實八家皆

伏以精細管管衙門以改在古所不取善下

縣尉及謀或應知命管管管管管管管管

罪罪罪罪罪罪罪罪罪罪罪罪罪罪罪罪罪

人分限首到四五有管管管管管管管管

良海海海海海海海海海海海海海海海海

再禁透越奸弊

為嚴禁透越奸弊以遵

功令以必邊防事照得海孽匪茹法令嚴密昨年奉旨展界乃出

皇上特恩仍禁片板不許下海一人不許偷越違者

立正大法又於沿邊建立臺寨安設官兵防外

奸之窺伺絕內地之私通三令五申可謂至嚴

且切矣無奈不軌奸徒嗜利如飴走處若鶩或

販買貿易或接濟通洋有奸民賄囑汛防官兵

利其貲財而故意縱放者有不肖劣弁串通玩法兵民置貨營運而瓜分餘利者要見內無細作則外奸何由覬覦官兵若能巡緝無私則奸徒亦斷斷不敢輕蹈法網此自然之理也在若輩利慾迷心以爲行險僥倖人莫知覺殊不知若要不知除非莫爲似此奸宄不法之事決無不貫盈敗露者前本部院巡歷閩疆時有奸民劉溫侯鍾喜周三陳進等數起透越事敗俱已按法擬辟籍沒家私又有長樂防將蔑法賣界人贓現獲本部院已將弁兵家丁人等特疏叅拿見奉

嚴旨究擬將來定依條例明正典刑其諛管各官業以失察分別革職降級議處似此

國法森嚴毫無寬假真令人不寒而慄矣今浙中沿海各地面積弛已久透漏不免除見在發覺者本部院查審得實立行叅奏請

旨正法外其餘各邊界擬卽親行巡歷嚴密稽查以肅海禁用懾衆心合先出示誠諭爲此示仰沿

海各汛將弁兵丁及士民人等知悉官兵能恪
遵禁令安內防外者既報平時
朝廷豢養之恩又有日後功名進取之路民人能守
分循法安心樂業者上以體

國家展界安民之仁下以享身家太平無事之福
倘或愍不畏法貪利走險一經覺露身首異處
家業不保雖得貿易厚利究竟不能受享反速
非命而亡昔有愚人剖腹而藏其珠正類是矣
利害兩途明如指掌出此入彼間不容髮不待

智者而決也願爾弁兵百姓人等惕然警醒從
前種種不軌肺腸譬如昨日死向後刻刻戒謹
恐懃譬如今日生本部院耳目最近執法甚嚴
不忍不教而誅故不憚言之娓娓爾等其諦聽
藥石之言毋自貽噬臍之悔至囑至囑

禁逐抽豐遊客

為遊客有礙憲綱抽豐大乖政體亟行屏絕以
 振風紀以肅官箴事照得本部院猥以菲材謬
 叨督任目擊民窮財盡之狀又值災青示警之
 時惟期一意與民休息是以勸諭士庶務在平
 安交勉屬官諸從簡靜所謂省一事則民間少
 一事之累寬一分則百姓受一分之福也無如
 南方風俗虛囂人心狙詐諸凡遇事生風不一
 而足而遊客抽豐一節尤為今日瘡民害政之

大者往有遊手奸徒走空神棍慣與旅店小人
及寺廟不法僧道輩串通氣息招接過往仕宦
暨山人墨客之流名爲逆旅居停實則招搖撞
歲如指稱某係某官年家也某係某官寅誼也
某某爲同門通譜也某某爲鄉親契交也究竟
瓜葛全無說得天花亂墜又如指稱某官評必
須某說可以轉否爲賢也某詞訟必須某講可
以挽曲爲直也某當道非某人不諧也某公事
非某人不信也止須邂逅通名便託相知心腹

彼無知之愚民有事之罪犯不肖之官吏鮮有
不聽甜言蜜誘破產傾囊以圖解勞快忿者矣
更有甚者刁勒緣事犯人耍挾以不得不從之
勢捏稱現任官府原借爲通贓過付之囹止圖
自己肥囊不顧壞人名節而彼走空遊手輩藉
此烹分餘瀝好作生涯比比皆是以上陋態非
本部院好爲極詆但不如是不足以醒愚蒙而
杜詐僞正官守而肅憲綱也卽如上年有張姓
仕客爲前府親家在杭誑借營債至今訐訟不

休本部院見行駁究此非其明證乎合行禁飭
爲此示仰督屬官役士民巡捕人員諸色人等
知悉嗣後大小各衙門政務若錢穀若刑名若
考較若詞訟一切地方案牘事情俱要秉公執
法裁斷施行不許徇情任臆枉法廢公倘有故
違營私納賄等弊本部院一有訪聞立付白簡
不恕至於各處旅館及菴觀寺院一概不許容
留抽豐遊宦及山人墨客之類店家着落隣佑
里甲稽查如敢玩法潛藏者事發一併拿究寺

廟之處着落僧綱道紀嚴查稽詰有不遵者立
拿住持及僧道官一併重責四十板枷號兩個
月其招搖兜攬棍徒無論已未得贓遵照

新例治以立絞遠戍决不輕宥願各凜遵毋貽後悔
巡捕員役仍行不時邏察倘或作弊縱容定行
一併叅治本部院更有言者抽豐二字之義蓋
因宦囊豐盈而人得抽之也如果官府廉以持
已嚴以馭下則宦况蕭然有何豐之足抽乎是
在居官者檢身肅法爲第一義各寮案其着實

勉之

再禁溺女

爲再禁溺女陋俗以重人民以廣好生事照得
溺女錮婢爲浙中第一惡俗先經本部院給示
誠諭及通行浙東八府禁飭去後頃據生員陸
元章張文嘉朱錫九等條議呈詞備言溺女之
慘請乞嚴法禁止并陳省會建立育嬰堂收養
遺孩之法應飭各屬倣照舉行與酌定嫁娶條
約及禁止錮婢絕胎等情前來除各府建堂育
嬰現在另檄通飭查議暨婚嫁規則仍候酌定

曉諭外爲照男女生長本乎人倫父子至情出於天性若因家貧不能養育日後嫁送無貲輒將女嬰斃命不舉此誠良心漸滅殆盡狼虎不食其餘矣合再嚴禁爲此示仰所屬官民人等知悉嗣後民間生產不論貧富人家是男是女俱要養育成人如有貧不能育者許付育嬰堂收養倘或忍心害理擅將女嬰溺死又或家長刺待斲養逼令致斃者着令里甲隣佑指實赴官呈首立拿犯人重責三十板枷號一箇月仍

按律治以故殺子孫之罪雇工卑幼有犯罪坐家長里隣容隱不發一體連坐至於人家婢女有年過二十歲以上者或內婚僮僕或鬻嫁外人俱要盡數婚配全完如有不遵亦許里隣首告將家長治罪婢女當官嫁賣財禮入官其省城內外庸醫藥肆製賣下胎絕孕等藥與粘貼招票者着地方官責成里甲盡行驅逐禁止敢有故違仍前市賣勒騙錢財者許地方指名公舉立行嚴拿枷責究罪俱毋輕恕各宜凜遵

禁旗營兵廝害人
 為禁約事照得土棍串兵詐人本部院訪聞大
 概有移屍拋置人家門首肆行打搶者有病兵
 頑廝坐臥民間舖面簷下恐嚇滋擾者有兵廝
 裝病裝醉詐瘋詐死勒索民間銀錢者有乞丐
 冒稱兵廝詐死討錢者有婦女裝扮營頭模樣
 撞入人家口稱取討水漿烟火攘搶民婦衣飾
 者有兵廝在於街市假稱買物彼此傳遞以致
 商民失物者有捏使低銀假銀短價強買物件

禁旗營兵廝害人

為禁約事照得土棍串兵詐人本部院訪聞大
 概有移屍拋置人家門首肆行打搶者有病兵
 頑廝坐臥民間舖面簷下恐嚇滋擾者有兵廝
 裝病裝醉詐瘋詐死勒索民間銀錢者有乞丐
 冒稱兵廝詐死討錢者有婦女裝扮營頭模樣
 撞入人家口稱取討水漿烟火攘搶民婦衣飾
 者有兵廝在於街市假稱買物彼此傳遞以致
 商民失物者有捏使低銀假銀短價強買物件

者此皆奸棍牽引紮局害人大干法紀除先經
差官給牌各處巡察今又委員訪拿外合行曉
諭爲此示仰地方諸色人等知悉嗣後如有前
項情弊許被害人協同隣佑保甲一面看守一
面馳赴府縣官處據實喊鳴立時拿解本部院
軍前如係綠旗營兵投誠兵丁卽行審明軍法
從事如係旗營兵廝會同赴公衙門審實按例
治罪如係土棍假冒及牽引勾通棍徒一體重
責四十板枷號遊示十門完日仍按光棍例問
擬絞戍斷不輕恕爾四民人等不必疑慮憂惶
致負本部院戢兵安民至意

禁漁稅陋規

爲嚴禁漁稅陋規以肅海禁以拯殘黎事照得
片板不許下海一人不許偷越本部院屢經禁
飭一有違犯立行處死惟是沿海插立標竿界
內江港原係聽民採捕魚蝦以資殘黎餬口之
計乃今訪聞浙屬地方黃巖縣有家子港永嘉
縣有温州港瑞安縣有瑞安港定海縣有定海
港向有漁民捕魚爲活因而文武各衙門每歲
講立陋規名爲漁稅纍百盈千毫無忌憚復有

蠹役土棍打合科派奸弊橫生深可痛恨頃准
提督移會前來合亟嚴禁本部院又思地方奸
頑之民既已捐出陋規則其膽大手猾且以稅
額不敷爲由必圖透越界外犯禁取償此勢所
必至也各文武官弁旣得陋規肥橐自然有慾
不剛推聾粧啞全無禁止此亦勢所必至也是
抽取漁稅之貽害可勝道哉除見在密訪拿究
弁出示曉諭外爲此照會各鎮弁牌行沿海各
道協府廳卽便通飭沿海各屬嗣後敢有奸徒

愍不畏死私通透越者諛地方文武各官立刻
擒拿解究按例正法其界內江港聽民採取魚
蝦不許借端攔阻敢有不肖官弁悍兵衙蠹地
棍人等仍前指稱各衙門使費擅派漁稅名色
詐擾婪贓者或被告發或有訪聞定卽密行叅
拿追贓治罪斷不輕恕取具實奉遵依繳查

禁獲盜起贓詐害積弊

為嚴禁起贓詐害之弊以安良民事照得獲盜起贓自是定例但有積惡捕快往往緝獲盜賊私刑弔拷恣其供扳殷實人家典當舖戶以為窩囤贓私之處不行稟官擅自押追起獲者亦有不肖有司聽信蠹役假借窩寄賊贓之名妄拿良民與商夾打監禁勒詐贓私者以致無辜被害冤屈莫伸深屬非法合行立法嚴禁為此示諭商民并牌行浙江臬司各府即便通行所

屬禁飭嗣後凡有地方拿獲真正強盜竊賊除
隨身起獲贓物外如有供出寄贓人家必須研
訊是否知情窩主或係無知悞收又如供出轉
賣贓物與人亦須訊明是否知情或係悞買明
立文案然後押同盜賊失主前去起出若果係
窩主知情人犯方許執拿到官覆審定案如係
原不知情則悞收悞買之人一概不許妄拿株
害至於開張典當商人必係原有身家斷無窩
囤賊贓之理以後如有盜賊供出贓物質當某

典舖者問官追取原執當票明寫事由牌面止
差一役前赴該舖起取原物當堂辯驗其典商
不許拘拿到官致啓詐索之弊俟失主認明之
後或貯庫或給領若係輕微之物應免追償其
有價值貴重當本多至三五兩十兩以上者仍
將盜賊家產于照例變賠失主之時一例償還
當舖不許扣尅隱匿若使家僕盜逃及指稱官
機竊取緞疋質當者此係自失覺察更與盜贓
不同務須執票將銀取贖一概不許紮詐白取

以上禁約條例各當該官役遵照奉行敢有捕
快不報官府擅自私拷起贓及貪官蠹役指名
株害平人詐索當舖等弊許被害人據實具詞
呈告以憑嚴拿叅究治罪追贓斷不輕恕

再禁宰牛

爲再禁屠宰耕牛并禁奸徒私販以重農業事
照得私宰耕牛先經本部院通行嚴禁在案今
聞屠戶仍不遵依市肆公然廣賣以省會人烟
之衆大約城內城外屠家三四十處每二家日
宰一牛一月計六百餘頭一年計有七千餘頭
矣杭州非產牛之地安得如許總緣一種奸惡
棍徒止知謀利遠從鄉鎮各方往來販賣造此
惡孽且無論浮屠因果之說報應昭然按禮經

牛爲太牢惟郊祭宗廟用之諸侯且無故不殺而况編戶細民可以僭供食饌乎惟因販宰日多以致負犁日少違禁妨農殊可痛恨合再力行禁止爲此示仰官民地方人等知悉凡里內有宰牛屠戶賣牛市僧俱于出示之後盡改別業營生販牛奸徒尤須一概禁止俱着落保甲隣佑不時稽查永遠不許私販屠宰敢有故違許卽據實指名赴府縣衙門呈首立行拿解本部院轅門將犯人重責三十板枷號一個月滿日仍行發問治罪隣佑知情容隱者一體枷責示警法在必行斷不輕恕如有牛隻自斃者許報明地方保甲公驗掩埋亦不得私行開剝致啓訛詐之端自貽咎讐未便

禁濫徵災免錢糧并科派便費

爲嚴禁濫徵科斂以恤災黎事照得杭嘉湖紹
各屬重罹水災節經本部院

題報隨即行委諛府踏勘復經

撫院親臨查驗確定分數照例造具冊結被災
五六分者扣免十分之一七八分者扣免十分
之二九十分者扣免十分之三已經會題

請蠲旦夕可邀

恩允但扣免之數自當按戶暫爲停徵庶使災民得

沾實惠誠恐不肖有司或惟顧考成之迫而嚴刑追比或先畱侵漁之地而截數勒完更有積蠹奸胥假稱未奉

部允動以錢糧原限八月全完乘機冒收又或借稱打點名色輒以災免例有使費等項多方派索是被災各戶未受

恩蠲之實惠先多一番無厭之誅求矣合行嚴禁爲此示仰官吏士民人等知悉凡各都督受災百姓將本名下應完康熙九年分地丁銀兩速照

報災分數扣除停徵緩納聽候

部示遵行如有不肖官役不行分別災免故意盡數追比或借名造冊及指稱各衙門使用乘機科索者一經本部院察訪得實或被害告發有據官卽飛章糾叅蠹役嚴拿處死斷不姑容凜之毋忽

禁仁和縣強勒糴米完漕積弊
爲摘禁糧弊事照得徵收漕糧定限十月開倉
原使民間秋成以後將田畝收穫之米完

朝廷正供之糧不許額外私加耗贈違者叅拿治罪
今訪聞仁和等縣歷年開倉之時不問里民已
未收穫竟提糧長橫加追比俱責令糴米上倉
又擅立官牙名色凡糧長糴米上納者俱要赴
官牙處糴買若無牙人甘結雖使米色合式亦
不准收以致奸惡牙棍營謀包攬于額外勒取

耗贈加一二不等印糧各官俱取耗贈於牙行而奸牙乃敢多收耗贈於糧里展轉脫剝不顧民艱是何異軒冕虎狼衣冠盜賊乎言之殊可痛恨本部院愧不能集中澤之哀鴻豈容有此食禾之碩鼠除各項糧弊俟另行通飭外合先摘禁爲此牌行糧守二道照牌事理即便密行察訪歷年以來是何官役奸牙作偏創立糴米上倉橫加耗贈之弊務將上年贓蹟有據者密行嚴拿具詳究革不得徇縱今年以後凡徵收

漕糧開倉之時聽憑糧長陸續上納不許急切追比俟至十月下旬田米收穫完備方許分立限期催令完納如數小民當此水災之後尤宜加意軫恤凡上納之米或係自己田糧或聽從民便隨處糴買止取乾圓潔淨卽與斛收總不許私創官牙坐定糴米及責取甘結苛收耗贈等弊敢有故違於額米外私加粒粟及故意刁難勒指憎嫌需索者本部院見在密訪得實定拿作奸胥役牙棍立斃杖下印糧各官先行拿

問後付彈章治以貪贓重罪本部院法在必行
立誓斷不寬假諛道蒞任方新務必執持禁絕
仍大書告示於倉前墾河處所嚴切曉諭施行
萬勿汎視

再禁濫差滋擾

爲再行端飭濫差滋擾以甦民困事照得浙省
百姓旣苦於賦役之繁復苦於詞訟之累其所
以苦此二端者又差役滋擾爲尤甚也今小民
罹此水災之後凡爲民上自宜加意愛恤猶恐
不能起殘黎而登衽席遑忍加之差擾以重困
乎但今當

大計之年時屆新漕之候又值開訟之時保無有不
恤民瘼官員各逞私臆任情濫差者若司道差

文徵 卷四
役下府廳則府廳經承費無所出勢必差役下
州縣州縣經承費無所出勢必差役下里遞層
層剝削無非出於民間且錢糧不分緩急詞訟
不論重輕一事而有一差一差而有數人更有
原差有押差有坐府差有坐縣差有坐里差有
拿違限差有提比較差前差未去後差踵至况
差役之詐索不止一端每一起差人不啻數十
項使費是官府之一點一標皆百姓之一淚一
血言念及此差人不可不慎也合行通飭爲此

牌行浙省各司道府照牌事理卽便遵照并轉
行各屬嚴飭嗣後錢糧止許立法催徵詞訟則
使自拘投到如果係萬分緊急兵糧等餉及緊
要

欽部案件方許差催仍具文報明以憑查考敢有不
分緩急不論大小故違不遵一概濫差滋擾者
或訪聞或告發官以違例

題叅經承立拿處死決不姑息各宜慎之

議修建公館鼓樓

爲酌議修建公館鼓樓事照得杭州爲東南省會皇華絡繹因無一定公署多係借居民房以致士民騰讓遷移殊多苦累自應建設公館并修驛舍又鎮海一樓關係闔城風水最爲切要先年被火燬壞尚未起葢均應亟爲議修案經本部院具疏請動備用錢糧修建

部覆以修理驛館公署鎮海樓係地方官之事應責令地方官設法修理等因隨經檄行該司

府遵照去後但公館在所必需鼓樓亟應修建案據諫府估計鼓樓工料前來因未有部文暫存未議今准

部行設法修理合亟查議爲此牌行布政司杭州府照牌事理卽將省城察院衙門虎林書院并裁道裁廳各衙門等處及鎮海樓逐一估計需用工料數目確議作何設法修建或照諫司前議通行十一府置立印簿分送文武衙門先行書助并送紳袍衿者之好義者有無多寡悉

聽其便不得相強并議捐輸者作何鼓舞獎勵明白通詳以憑會奪但須責成諫府耑董其事確估料價不得委之縣胥致滋浮冒派擾之弊通毋遲延違錯

議定婚喪夫役工銀

為酌議禁革以厚風俗以節財用事據按察司會同布政司具詳前事到本部院據此本部院隨批婚姻喪葬關係禮制本部院因念浙俗奢僭無度又據士民屢次條陳備言把頭鼓吹人等橫詐害人之弊是以嚴行禁約今據兩司會議斟酌府縣申詳士民輿論擬定婚事鼓吹價以日計喪事擡送應以路計分別數目銀以八色為準俱如司議照行其餘頭家口分與一切

巧立名色苛索陋例等項盡行革除更不許分坊坐日設立頂首買賣又山子結綵燈籠茶司等類應聽民便或自備或僱倩亦不許分坊坐日私立頂承若有附近把頭鼓吹人等妄覬私加不願受僱者聽憑有事之家就擇他處把頭鼓吹人等情願者承應或本家僕屬應用至於別項橋埠脚夫機匠等衆與各衙門人役俱不得妄希攘奪致啓事端自禁約之後敢有此輩違抗苛勒仍前私自分坊坐日等弊及棍徒爭

訟生非者或被告發或有訪聞定行嚴拿枷責仍照光棍

新例治罪斷不饒恕諛司卽檄該府縣遵照并大張告示於省城內外各坊通衢遍行曉諭一面行令採石將禁約始末刊勒碑記豎立鎮海樓前永遠遵守不許渝違本部院又聞有不肖官役及無耻土豪從前借事生風誑詐財物除另行密訪外諛臬司仍嚴行查究得實指名詳報以憑拿問追擬慎勿徇縱等因批發去後爲照上

官頒行禁約無非從民間利弊起見也要在地
方官員士民體帖至情力行遵守庶幾法令可
施而風俗以正卽如婚喪迎送一事本部院稔
知利弊意在力砥頽靡原行憲牌頗稱詳盡乃
聞前此竟有不肖官役勢豪土棍人等遇事生
風妄希射利有指稱卽爲若輩周全而誑騙賄
賂者亦有借名革除而箕斂橋埠等輩財帛者
蝸蟾羹沸舉國若狂蜂集蟻羶誹謠百出求一
真心直口任事無私之人而不可得是上司徒

有釐弊之苦心官民反借爲招搖之生意天理
全無良心盡喪人言南方風俗囂惡卽此一端
已見信不誣矣今據兩司酌議前來除批准禁
約勒石永遵外合再曉諭爲此示仰官役士民
人等知悉務須遵照批詳內事理着實遵守毋
得多事生非自干罪戾至於前此貪官蠹役土
棍豪惡之徒有指騙錢財汙人利己者除本部
院見在密訪外許諸色人等指實首告以憑叅
拿治罪明正典刑倘或漏網必遭鬼譴神殃子

孫滅絕凡有血氣捫心思之

議減漕餉

為查議徵收漕餉銀兩事照得浙省漕糧最為
弊藪前據諛道詳議疏漕各款已經批令嚴飭
力行去後今本部院又將最切時弊者見在酌
議出示禁飭外但查漕截一項向日議加之時
每百石加濕潤米九石八斗每石照時折銀一
兩八錢又加船隻盤運綱司等銀二十兩共計
給銀三十七兩六錢四分迨至今日米價甚平
民間完一石之截約費米五六斗是以民稱苦

文獻
卷四
累屢據士民紛紛呈控有司各官輒謂相沿成
例不便更張雖經

部文屢次行查諛官各衙門徂於成見因循率
覆其間病根或爲夤緣朦蔽或因戀羶不捨言
之殊可浩歎且查江南事例不過五米十銀何
獨浙省增逾兩倍若不稍爲變通豈堪坐視民
困合亟查議爲此牌行浙江糧驛道照牌事理
卽將漕糧貼截通行各縣印糧官從長酌議將
向日米價騰貴故議九石八斗折銀十七兩六

錢四分今米價不過一兩以內自應照時徵折
備敘緣由并述從前屢經

部文議減情節一併確議條陳諛道嚴加核勘
并關倣江南事例酌定減數具文通詳
撫院及本部院以憑會議酌

題請減施行事關民困諛道新劄初發諒有同心
慎勿遲延推諉未便

通知災傷蠲免錢糧

為彙報水災等事照得杭嘉湖紹四府屬縣今歲慘罹異常水災萬姓顛連困苦本部院念切痼瘼為民請命業將各縣被災田畝例免條銀分數查勘明白會同撫院特疏請

蠲已沐

皇恩俯從

俞允見准

部文備行該司遵照外但奉

旨蠲免錢糧必須大張告示通行曉諭使災稜窮民
咸知

朝廷浩蕩弘仁均受

恩蠲實惠往聞有不肖印官罔恤民瘼一任奸胥作
弊將應徵條銀不分災免一概溷徵重爲民困
除密行察訪有犯必懲外合再嚴行申飭爲此
牌行藩司各道府查照牌內事理卽將各屬縣
受災田畝例免條銀照依原報都畝被災分數

分別應免若干遵照定例被災五六分田每畝
應免條銀若干被災七八分田每畝應免條銀
若干被災九十分田每畝應免條銀若干諛司
道府卽便大書告示頒發各諛縣遍張曉諭務
令城鎮鄉村家喻戶曉窮簷蔭蔀屋共沐

皇仁倘有貪官污吏敢於悖

旨橫徵希圖侵肥作弊者本部院密訪得實或被害
災民告發官卽先拿後叅奸胥立斃杖下倘該
司道府縱容不舉亦必一併糾叅決不姑貸各

宜凜惕毋得泛視

亦必一德特恭典不敢其各

災及古發官哨武拿與赤神習立發本可尚

百難燬赤圖發頭半教普本派宗澄以得實

皇子尚育食官西更類外制

今熱難映林家儲可辨類習儲星其本

能刊信野大書告示能到谷地海區其武倫

惠與然地養午野與子入公田籍編顯與新

公限顯與苦王海與與與與與與與與與與



